



Publicaziuns dalla vischnaunca, jamna 19

Votaziun federala

L'urna principala en casa communal ei aviarta sco suonda: **Dumengia, ils 21-5-2017, 9.00–11.00**

La documentaziun da votar duess mintga votant/a haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 19 da matg 2017, allas 17.00** tier l'administraziun communal (tel. 081 920 36 36).

Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grisch e **serrar giu** ella.
2. Metter la cuviarta da votar grisch ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (suppli cau da francar) ni directamein fierer en la scaffa da brevs dalla casa communal.

Ils cedels da votar ston esser sil pli tard la dumengia, ils 21 da matg 2017 allas 11.00 tier l'administraziun communal.

Aschinavon ch'ei vegn buca risguardau sura instrucziuns da votar, ein ils cedels da votar nunvaveivels.

Suprastonza communal

Carrar sin vias d'uaul e vias funsilas

Sebasond sin la lescha forestala sco era il reglament da traffic basegna ei ina **carta da controlla** per astgar carrar sin las vias d'uaul e las vias funsilas. Retscheiver ina carta annuala san:

- a) proprietari ed affittaders da beins immobiliars pigl access al schischom;
- b) furniturs, glieud da professiun, guardiacamonas, concessiunaris (purtaders d'ina patentia cantunala ni communal) per praticar lur activitads.

La taxa persuerter munta **100 francs**. Cumpriu en quella summa ein duas cartas annualas (ina da quellas ei transmissibla). La carta sa era vegnir retratga en fuorma d'in taccader (oravontut per motors e quads).

Taxas da carrar

Carta dil di	frs. 15.–
jamnila	frs. 30.–
annuala	frs. 100.–

Las cartas ein da retrer tier l'administraziun communal. Las cartas dil di san, oravontut cura che l'administraziun communal ei serrada, era vegnir retratgas ella cafeteria dil Center da sport e cultura. La polizia communal controllescha il carrar sin las vias d'uaul e castigescha surpassaments.

Diever agricol

Per **maschinas agricolas** basegna ei **negina carta da controlla**. Pil diever agricol cun auters vehichels sto vegnir retratg tier l'administraziun communal ina carta da legitimaziun. La taxa persuerter munta a 20 francs.

Attenziun Via Run

Muort il schliet stan dalla via vegn tschentau ora **neginas lubientschas dil di e dall'jamna** per la Via Run.

Suprastonza communal



Biblioteca populara Disentis/Mustér e contuorn

Oz en la biblioteca

Praulas e historias cun Mats, la miur

Has ti plascher da vegnir en biblioteca e tedlar praulas e historias? Naturalmein astgas ti era prender cun tei tia mumma ni in'otra persuna.

Mats, la miur e nus dalla biblioteca raquintein a ti ina praula ord in cudisch da nossa valischa da surprises, e quei mintga secund venderdis dil meins dallas 14.30 tochen ca. allas 15.30. Nus selegrein zun fetg sin tei. Tgisà, forse anflein nus mintgatun aunc enzatgei auter che mo cudischs en nossa valischa da surprises?

Cun ils pli cars salids e sin seveser tochen gleiti.

*Mats, la miur ed il team dalla biblioteca populara
Disentis/Mustér e contuorn*

Radunonza generala dalla corporaziun d'aua «Las Fontaunas» Mumpé Medel

Sonda, ils 13 da matg 2017 allas 20.15 el local «la Scursalada».

Tractandas:

1. Avertura
2. Elecziun dumbravuschs
3. Prelecziun ed approbaziun dil protocol dalla radunonza generala extraordinaria dils 5 d'uost 2016
4. Rapport dil president
5. a) Rendaquen
b) Rapport dils revisurs ed approbaziun dil quen
6. Elecziuns: cassier, actuar
7. Orientaziun projects novs
8. Taxas annualas
9. Lavur cumina
10. Varia

La suprastonza

Corporaziun da meglieraziun e manteniment «Squadra Segnas»

Invit alla radunonza generala 2017 Mardis, ils 16 da matg 2017 allas 20.15 ell'ustria «Cresta» Segnas

Tractandas:

1. Beinvegner
 2. Elecziuns d'in dumbravuschs
 3. Prelecziun ed approbaziun dil protocol
 4. Render quen e rapport dils revisurs
 5. Orientaziun
 6. Taxas annualas
 7. Elecziuns:
 - a) president
 - b) actuar
 - c) cassier
 - d) dus revisurs da quen
 8. Program da lavur
 9. Varia
- A stedia participaziun envida

la suprastonza



Tir obligatori a Sedrun la Resgia

Anceinza, ils 25-5-2017, 18.30–20.00
Gliendisdis Tschuncheisma, ils 5-6-2017, 17.00–20.00
Cordialmein envida

societad da tir Desertina

Uniun fallun e cascharia Disla/Mustér

Sonda, ils 27 da matg 2017 ha puspei liug a Disla/Mustér **Il di svizzer dils mulins**.
Quei di vegn chischau, mulau e resgiau ed era il talèr vegn mess en funcziun. Ins sa secapescha era gentar tier nus. A tuts e tuttas in cordial beinvegni.

La suprastonza

Stallkino – Cinema Salaplauna

Film : «**La buena vida**» – **das gute Leben** (Col 2015).

Donnerstag, 18. Mai 2017, 20 Uhr, Center sursilvan d'agricultura, Disentis/Mustér.

Durch die Ausbreitung des kommerziellen Rohstoffabbaus im Norden Kolumbiens werden die Lebensgrundlagen eines indigenen Volkes vehement bedroht. Die drastischen Konsequenzen: Umsiedlung und massive Verschlechterung der Lebensbedingungen. Der Dokumentarfilm «La buena vida» zeigt aus nächster Nähe, wie sich die europäische Wohlstandsgesellschaft auf das Leben der Menschen in einem Dorf in Südamerika auswirkt.

Filmstart 20 Uhr, Türöffnung 19.30 Uhr. Eintritt frei, Kollekte.

Vortrag: Kulturpflanzen Graubündens

Samstag, 13. Mai 2017: Vortrag 11 Uhr mit Stephan Stutz, anschliessend kleiner Setzlingsmarkt und Kaffeestube Im Kanton Graubünden werden schon seit vielen Jahrhunderten Nutzpflanzen angebaut. Dabei haben sich Sorten entwickelt, die besonders gut ans Berggebiet angepasst sind. Welche Sorten sind das, und welche werden davon heute noch angebaut? Stephan Stutz, Bio-Samengärtner aus dem Domleschg, wird uns von seinen Erfahrungen als Saatgutvermehrer für Pro Specie Rara und von Projekten für Neuzüchtungen berichten und in einem Vortrag Wissenswertes zur Sortenvielfalt erzählen. Anschliessend gibt es einen kleinen Setzlingsmarkt mit Zöglingen aus dem Garten von Stephan Stutz. Alle sind herzlich zu Kuchen und Kaffee eingeladen.

Center sursilvan d'agricultura, Disentis/Mustér. Eintritt frei, Kollekte.
